

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet br.8, telefon 049 218-220, faks 049 218-438
Ислахијет бр.8, телефон 049 218-220, факс 049 218-438
www.revizija-bd.ba

Broj: 01-02-03-13-325/16
R: 08-07; 09-07/16

**IZVJEŠĆE
O REVIZIJI FINANCIJSKOG POSLOVANJA
Odjela za zdravstvo i ostale usluge
za razdoblje od 1. 1. do 31. 12. 2015. godine**

Brčko, lipanj 2016. godine

KAZALO

NEOVISNO REVIZORSKO MIŠLJENJE	3
1. REZIME DANIH PREPORUKA.....	5
2. UVOD.....	7
3. OPĆI DIO.....	7
4. PREDMET, CILJ I OBUJAM REVIZIJE	8
5. OSVRT NA NALAZE I PREPORUKE IZ PRETHODNE REVIZIJE.....	8
6. NALAZI I PREPORUKE	10
6.1 Rukovodstvo i sustav internih kontrola	10
6.2. Usklađenost sa zakonskim propisima.....	11
6.3. Plan i realizacija planom predviđenih zadataka.....	11
6.4. Prihodi i primitci.....	12
6.5. Planiranje i izvršenje tekućeg proračuna	12
6.5.1. Tekuće dotacije	14
6.6. Planiranje i izvršenje kapitalnog proračuna	17
6.7. Popis sredstava	18
7. KOMENTAR	19
PRILOZI.....	20

Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH



Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ



Islahijet br.8, telefon 049 218-220, faks 049 218-438
Ислахијет бр.8, телефон 049 218-220, факс 049 218-438
www.revizija-bd.ba

ODJEL ZA ZDRAVSTVO I OSTALE USLUGE

N/r voditelja Odjela

NEOVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Odjela za zdravstvo i ostale usluge Vlade Brčko distrikta BiH (u daljnjem tekstu: Odjel) za razdoblje od 1. 1. - 31. 12. 2015. godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Voditelj Odjela je odgovoran za finansijsko poslovanje Odjela i usklađenost poslovanja iz svoje nadležnosti sa važećim zakonskim i drugim propisima, programom rada i odobrenim pozicijama proračuna. Ova odgovornost obuhvaća: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih pogrešaka u finansijskom poslovanju kao primjerenost i ponašanje revidiranog Odjela nad sredstvima i imovinom koja mu je dana na upravljanje.

Odgovornost revizora

Naša je odgovornost da izrazimo mišljenje o finansijskom poslovanju na temelju izvršene revizije. Reviziju smo izvršili sukladno Zakonu o reviziji javne uprave i institucija u Brčko distriktu BiH (Službeni glasnik Brčko distrikta BiH, brojevi: 40/08 i 29/14) i primjenjivom okviru Međunarodnih standardima vrhovnih revizijskih institucija – ISSAI (Službeni glasnik Brčko distrikta BiH, broj 3/15). Ovi standardi nalažu da radimo sukladno etičkim zahtjevima i da reviziju planiramo i izvršimo na način koji omogućuje da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno s važećim zakonskim i drugim relevantnim propisima.

Revizija uključuje provedbu postupka radi pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama proračuna. Izbor postupka je zasnovan na revizorskom prosuđivanju, uključujući procjenu rizika nastanka materijalno značajnih pogrešaka u finansijskom poslovanju. Prilikom procjene rizika, revizor razmatra interne kontrole koje su relevantne za

prezentaciju finansijskog poslovanja, radi osmišljavanja revizorskih postupaka koji su odgovarajući u danim okolnostima ali ne radi izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da osiguravaju osnovu za naše revizorsko mišljenje.

Pozitivno mišljenje sa isticanjem predmeta

Po našem mišljenju finansijsko poslovanje Odjela za zdravstvo i ostale usluge je tijekom 2015. godine u svim materijalno značajnim aspektima, usklađeno s odobrenim pozicijama proračuna, kao i sa zakonskim i drugim relevantnim propisima.

Bez daljeg utjecaja na naše mišljenje, skrećemo pozornost na sljedeće:

- Nisu uređena vlasnička prava (diobena bilanca) između JZU i Vlade Brčko distrikta BiH.
- Ugovori o obavljanju privremenih i povremenih poslova su zaključivani na razdoblje dulje od maksimalno propisanih 90 dana i to za obavljanje redovnih poslova koji su sistematizirani u organizacijskom planu Odjela i čije se redovno izvršavanje, sukladno Zakonu o državnoj službi u tijelima uprave u Brčko distriktu BiH, osigurava popunjavanjem ispražnjenih radnih mjesta.

Zamjenici glavnog revizora
Amra Ilić, dipl. oec.

mr. sc. Savo Grujić, dipl. oec.

Glavni revizor
Nekir Suljagić, dipl. oec.

1. REZIME DANIH PREPORUKA

- *Potrebno je sustav internih kontrola poboljšati u dijelu donošenja svih potrebnih podzakonskih akata, okončanja aktivnosti na diobenoj bilanci s Javnom zdravstvenom ustanovom „Zdravstveni centar Brčko“, te primjeni zakonskog okvira prilikom povećanja bruto plaća i naknada.*
- *Potrebno je dosljedno provoditi nadležnosti propisane Zakonom o javnoj upravi Brčko distrikta BiH, te sačiniti plan i programe razvoja zdravstvene zaštite i plana ljudskih resursa, sukladno Zakonu o zdravstvenoj zaštiti Brčko distrikta BiH.*
- *Potrebno je da Odjel poduzme aktivnosti na realizaciji planiranih projekata iz svoje nadležnosti, kao i realizaciji posebnih ciljeva postavljenih Programom rada.*
- *Potrebno je da Odjel, sukladno dodijeljenim nadležnostima, u planu proračuna planira prihode koji će u tekućoj godini biti realno ostvarivi, tj. naplativi.*
- *Potrebno je osigurati poštivanje principa ista plaća za isti ili sličan posao, kako je to regulirano Zakonom o izmjenama i dopunama Zakona o plaćama zaposlenih u tijelima uprave Brčko distrikta BiH.*
- *Potrebno je popunjavanje ispraznjenih pozicija vršiti sukladno odredbama Zakona o državnoj službi, u dijelu poštivanja načina popunjavanja ispraznjenih pozicija.*
- *Potrebno je, ugovore o povremenim i privremenim poslovima zaključivati sukladno odredbama Zakona o radu, u dijelu poštivanja propisanih uvjeta i vremena na koje se isti zaključuju.*
- *Potrebno je, da informacijski sustav omogući sveobuhvatan uvid u sve vrste prava, po pojedinom korisniku socijalne skrbi, koje proizlaze iz Zakona o socijalnoj skrbi Brčko distrikta BiH.*
- *Potrebno je da Odjel osigura neophodne uvjete za realizaciju kapitalnih projekata kako bi se osigurale pretpostavke za efikasno upravljanje kapitalnim proračunom, sukladno Zakonu o izvršenju proračuna Brčko distrikta BiH za 2015. godinu.*
- *Potrebno je da Izvješće o izvršenom popisu imovine obuhvati imovinu koja se nalazi kod drugih fizičkih ili pravnih osoba po bilo kojoj osnovi.*
- *Potrebno je popis imovine, tražbina i obveza vršiti na način i u rokovima propisanim Uputom o radu popisnih povjerenstava i obavljanju popisa sredstava, tražbina i obveza.*

- ***Potrebno je, radi nesmetanog funkcioniranja JZU “Zdravstveni centar Brčko” okončati aktivnosti na reguliranju vlasničkih i drugih prava nad imovinom koja joj je dana na korištenje, radi efikasnije zaštite imovine, te uspostavljanja uvjeta za fer prezentaciju financijskih izvješća Brčko distrikta BiH i JZU “Zdravstveni centar Brčko”.***

NALAZI I PREPORUKE IZVJEŠĆA O OBAVLJENOJ REVIZIJI FINACIJSKOG POSLOVANJA ODJELA ZA ZDRAVSTVO I OSTALE USLUGE BRČKO DISTRIKTA BiH ZA 2015. GODINU

2. UVOD

Obavili smo reviziju finacijskog poslovanja Odjela na temelju ovlasti danih Zakonom o reviziji javne uprave i institucija u Brčko distriktu BiH i drugim relevantnim propisima na temelju Godišnjeg plana revizija.

3. OPĆI DIO

Odjel obavlja stručne, administrativne i ostale dužnosti iz nadležnosti Vlade koje se odnose na:

- Provedbu zakona i propisa nadležnih tijela institucija BiH i Distrikta iz oblasti zdravstva i ostalih usluga pod nadzorom i uputama gradonačelnika;
- Zaštitu zdravlja stanovništva i funkcioniranje institucija zdravstvene zaštite u Distriktu;
- Socijalnu pomoć i socijalnu skrb građana, a posebno starih, mentalno i fizički hendikepiranih osoba kao i braka, obitelji i djece;
- Planiranje akcije koje treba poduzeti u slučaju ugroženosti zdravlja građana, kao i javnih zdravstvenih kampanja;
- Ostale dužnosti iz nadležnosti ovog Odjela sukladno sa zakonom i propisima BiH i Skupštine ili naložene od gradonačelnika.

Unutarnja organizacija Odjela je utvrđena Organizacijskim planom uprave Brčko distrikta BiH i Organizacijskim planom Odjela za zdravstvo i ostale usluge, radi ostvarivanja zakonitog, pravodobnog i ekonomičnog izvršenja svih poslova iz nadležnosti Odjela, postizanje potpune zaposlenosti zaposlenika i maksimalno korištenje njihovih kvalifikacija i znanja, potpune odgovornosti zaposlenika i efikasno rukovođenje sustavnog unapređenja i suradnje s drugim tijelima.

Za izvršenje poslova iz djelokruga Odjela organiziraju se poddjeli - službe:

- Javno zdravstvo
- Socijalna skrb - Centar za socijalni rad
- Služba za administraciju i statistiku Odjela
- Služba za braniteljsko-invalidsku skrb i civilne žrtve rata.

Organizacijskim planom Odjela je predviđeno 57 zaposlenika, a na dan 31. 12. 2015. godine Odjel je imao 47 zaposlenika.

Odjel je smješten u Zgradi Vlade Brčko distrikta BiH, na adresi Bulevar mira br.1 u Brčkom.

4. PREDMET, CILJ I OBUJAM REVIZIJE

Predmet revizije je finansijsko poslovanje u 2015. godini, u dijelu planiranja i izvršenja proračuna, ocjena sustava internih kontrola, kao i usklađenost poslovanja iz svoje nadležnosti sa zakonskim i drugim relevantnim propisima.

Cilj revizije finansijskog poslovanja Odjela je da omogući revizoru da na temelju prikupljenih dokaza izrazi mišljenje o tome je li finansijsko poslovanje, obavljeno sukladno zakonskim važećim propisima kao i primjerenog ponašanja rukovoditelja Odjela nad sredstvima i imovinom Brčko distrikta BiH. Pored toga revizija je planirana i izvršena radi pribavljanja realne osnove za ocjenu jesu li poduzete sve mjere za namjensko trošenje proračunskih sredstava za svrhe za koje je dana ovlast donošenjem proračuna, te davanja preporuka za daljnji rad s posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Obujam revizije je utvrđen internim planskim dokumentima revizije.

S obzirom da se revizija obavlja ispitivanjima na bazi uzoraka i da postoje inherentna ograničenja u računovodstvenom sustavu i sustavu internih kontrola, postoji mogućnost da pojedine materijalno značajne pogreške mogu ostati neotkrivene.

5. OSVRT NA NALAZE I PREPORUKE IZ PRETHODNE REVIZIJE

Na temelju preporuka iz Izvješća o obavljenoj reviziji finansijskog poslovanja za 2014. godinu Odjel je sastavio Akcijski plan za otklanjanje nedostataka po revizorskom izvješću broj: 13-002034/15 od 31. 8. 2015. godine, koji je Odlukom od 11. 9. 2015. godine usvojen od Vlade Brčko distrikta BiH.

Osvrtom na preporuke revizije dane u Izvješću o obavljenoj reviziji finansijskog poslovanja za 2014. godinu te uvidom u poduzete aktivnosti utvrdili smo sljedeće:

- **Realizirane preporuke**

Sačinjena je procedura nabave i odobravanja poboljšane verzije ortopedskog pomagala za ratne vojne invalide,

Izdatci za jednokratnu pomoć razvojačenim braniteljima se evidentiraju na jednoj poziciji, sukladno analitičkim stavkama planiranim u proračunu.

- **Nerealizirane preporuke**

Nisu doneseni standardi i normativi u pružanju usluga iz obveznog zdravstvenog osiguranja zato što predloženi standardi i normativi od strane FZO-a nisu obuhvatili Brčko distrikt kao jednu cjelinu, te su od Odjela odbijeni.

Nisu okončane aktivnosti na uvođenju integralnog informacijskog sustava za sve zdravstvene institucije.

Nisu uređena vlasnička prava (diobena bilanca) između JZU i Vlade Brčko distrikta BiH.

Planiranje povećanja plaća i dodataka na plaću, te isplata istih nisu provedeni sukladno odredbama Zakona o plaćama.

Nisu dopunjeni kriteriji za dodjelu jednokratne pomoći razvojačenim braniteljima u dijelu ostvarivanja prava na jednokratnu pomoć, kako bi se osigurala isplata u istom iznosu za sve korisnike. U prilogu Akcijskog plana dostavljen nam je Zaključak Vlade Brčko distrikta BiH broj: 13-002034/15 od 23. 9. 2015. godine, u kojem je navedeno da će se jednokratna novčana pomoć i dalje raspoređivati proporcionalno, na tri jednaka dijela za razvojačene branitelje / borce Armije BiH, HVO-e i Vojske RS-e.

- **Djelomično realizirana preporuka**

Još uvijek nisu doneseni svi podzakonski akti propisani odredbama članka 179 Zakona o zdravstvenoj zaštiti Brčko distrikta BiH.

6. NALAZI I PREPORUKE

6.1 Rukovodstvo i sustav internih kontrola

Revizija obuhvaća ocjenu sustava internih kontrola, s naglaskom na funkcioniranje internih kontrola kroz realizaciju programa rada, planiranja i izvršenja proračuna, te usklađenost poslovanja sa zakonskim i podzakonskim aktima.

Na temelju provedene revizije značajnih procesa poslovanja, izvršili smo procjenu uspostavljanja, funkcioniranja i nadzora sustava internih kontrola.

Člankom 179 (podzakonski akti) Zakona o zdravstvenoj zaštiti Brčko distrikta BiH (Službeni glasnik Brčko distrikta BiH, brojevi: 38/11, 9/13 i 27/14), propisana je obveza voditelja Odjela, da u određenim rokovima od donošenja Zakona (od 6 odnosno 9 mjeseci), donese podzakonske akte. Revizijom smo utvrdili da Odjel nije, u propisanim rokovima, donio podzakonske akte koji propisuju:

- bliže uvjete za posebne oblike rada zdravstvenih radnika, odnosno zdravstvenih suradnika,
- način vođenja, čuvanja, prikupljanja i raspolaganja medicinskom dokumentacijom,
- program, sadržaj, način provođenja vježbeničkog staža, način vođenja evidencije, kriterije i uvjete koje je dužna ispuniti zdravstvena ustanova i privatna praksa u kojoj se provodi vježbenički staž, program i postupak polaganja stručnog ispita, sastav, način imenovanja i rada povjerenstva, kao i visinu naknade za polaganje stručnog ispita,
- vrste kontinuirane edukacije, program, dužinu trajanja, ustanove i udruge koje mogu provoditi kontinuiranu edukaciju,
- bliže uvjete, način imenovanja i rada povjerenstava, kao i postupak za dodjelu naziva primarius,
- sadržaj registra certificiranih zdravstvenih ustanova i privatnih praksi,
- uvjete, način imenovanja, rad i visinu naknade za rad nadležnih zdravstvenih radnika za utvrđivanje smrti osoba, postupak utvrđivanja smrti osoba, kao i postupak obavljanja obdukcije,
- uvođenje i upravljanje zdravstvenom tehnologijom, kao i uspostavljanje i održavanje baze podataka,
- metode, postupke i davanje suglasnosti za obavljanje alternativne medicine, te
- način i sadržaj oglašavanja zdravstvene ustanove i privatne prakse.

Postoje nedostaci interne kontrole u dijelu nepoduzimanja potrebnih aktivnosti za implementaciju diobene bilance sa Javnom zdravstvenom ustanovom „Zdravstveni centar Brčko“.

Povećanje plaća na ime složenosti poslova nije utemeljeno na odredbama postojećeg Zakona o plaćama zaposlenih u tijelima uprave Brčko distrikta BiH. Odobreni i izvršeni izdatci za plaće sadrže povećanje u iznosu od 14.969,88 KM, na ime složenosti poslova i posebnih uvjeta rada zaposlenih u zdravstvu od 20 % od ukupne bruto plaće, što nije

sukladno članku 9 stavku (5) Zakona o plaćama zaposlenih u tijelima uprave Brčko distrikta BiH.

Potrebno je sustav internih kontrola poboljšati u dijelu donošenja svih potrebnih podzakonskih akata, okončanja aktivnosti na diobenoj bilanci sa Javnom zdravstvenom ustanovom „Zdravstveni centar Brčko“, te primjeni zakonskog okvira prilikom povećanja bruto plaća i naknada.

6.2. Usklađenost sa zakonskim propisima

U nadležnosti Odjela, između ostalih nadležnosti, je i donošenje planova i programa mjera zdravstvene zaštite i izrada programa razvoja zdravstvene zaštite, a što je propisano odredbama članka 25 točke h) i i) Zakona o javnoj upravi Brčko distrikta BiH. Sadržaj, postupak donošenja i razdoblje trajanja Plana i programa razvoja zdravstvene zaštite je reguliran člankom 5 Zakona o zdravstvenoj zaštiti Brčko distrikta BiH.

Revizijom smo ustanovili da Odjel nije sastavio prijedlog srednjoročnog plana razvoja zdravstvene zaštite, kako je to propisano stavkom 1 članka 5 navedenog Zakona. Izuzev toga, Odjel nije sastavio prijedloge programa zdravstvene zaštite zdravstvenog sustava Distrikta, odnosno srednjoročni plan ljudskih resursa za zdravstveni sustav Distrikta, a što je propisano stavkom 3) odnosno 4) članka 5 istog Zakona.

Potrebno je dosljedno provoditi nadležnosti propisane Zakonom o javnoj upravi Brčko distrikta BiH, te sastaviti plan i programe razvoja zdravstvene zaštite i plana ljudskih resursa, sukladno Zakonu o zdravstvenoj zaštiti Brčko distrikta BiH.

6.3. Plan i realizacija planom predviđenih zadataka

Odjel je, sukladno svojim nadležnostima, izradio Program rada za 2015. godinu s predviđenih pet ciljeva i planiranih aktivnosti koje će se provoditi u 2015. godini.

Sukladno planiranim ciljevima, po isteku godine Odjel je izradio Izvješće o radu u kojem su navedeni rezultati postignuti obavljanjem poslova koji proizlaze iz općih nadležnosti pododjela.

Informacije o realizaciji posebnih ciljeva postavljenih Programom rada za 2015. godinu, nisu kompletne, tako da svih pet ciljeva postavljenih Programom rada nije elaborirano. U okviru prvog cilja „Planiranje, pokretanje postupaka i izvršenje kapitalnog proračuna“ završena je procedura javne nabave medicinske i laboratorijske opreme, uvođenje grijanja u ambulantama, kao i usluge izrade idejnog i glavnog projekta za rekonstrukciju anestezije, intenzivne njege i operacionog bloka u Bolnici Brčko distrikta. U tijeku je i izrada tenderske dokumentacije za nabavu i ugradnju dizala u Domu zdravlja, te izrada tenderske dokumentacije za uvođenje grijanja na električnu energiju u MZ Ulice.

U okviru planiranih zakonodavnih aktivnosti donesen je Zakon o izmjenama i dopunama Zakona o dopunskim pravima obitelji poginulih branitelja i ratnih vojnih invalida, Zakon o izmjeni i dopuni Zakona o zdravstvenoj zaštiti u Brčko distriktu BiH. Doneseni su podzakonski akti i to: Pravilnik o referalnom sustavu u zdravstvenoj zaštiti u Brčko distriktu BiH, Pravilnik o izmjenama i dopunama Pravilnika o specijalizacijama i subspecijalizacijama, Pravilnik o

organiziranju, sastavu, načinu imenovanja i rada kriznog stožera u zdravstvu Brčko distrikta BiH i Pravilnik o utvrđivanju sastava tima obiteljske medicine na području Brčko distrikta BiH. Nisu doneseni sljedeći zakoni: Zakon o izmjenama i dopunama Zakona o socijalnoj skrbi Brčko distrikta BiH, Zakon o dopunskim pravima razvojačenih branitelja u Brčko distriktu BiH, Zakon o zaštiti od nasilja u obitelji, Izmjena i dopuna Obiteljskog zakona Brčko distrikta BiH, Zakon o transplantaciji organa Brčko distrikta BiH i Zakon o zaštiti stanovništva od zaraznih bolesti Brčko distriktu BiH.

Pokretanje postupka akreditacije laboratorije, kao treći cilj postavljen Programom rada Odjela, zbog kasnog preseljenja laboratorije u nove prostorije i nepopunjavanja ispražnjene pozicije, nije realiziran.

Potrebno je da Odjel poduzme aktivnosti na realizaciji planiranih projekata iz svoje nadležnosti, kao i realizaciji posebnih ciljeva postavljenih Programom rada.

6.4. Prihodi i primitci

Ukupno planirani prihodi Odjela za 2015. godinu iznose 219.216,51 KM, a za izvješćujuće razdoblje su ostvareni u iznosu od 117.504,02 KM, ili 53,60 % plana.

Struktura ukupnih prihoda Odjela na dan 31. 12. 2015. godine prikazana je u Tablici broj 3, u prilogu Izvješća.

Iz navedenog tabličnog prikaza može se uočiti da je postotak ostvarenja prihoda, za izvješćujuće razdoblje, znatno niži od planiranog. Najznačajniju vrstu prihoda u ukupnom ostvarenju predstavlja prihod koji ostvaruje Pododjel za javno zdravstvo, na ime fakturiranja usluga koje su u nadležnosti ovog Pododjela, kao što su usluge uzorkovanja vode i hrane, uzimanje brisova i drugo, planiran u iznosu od 200.000,00 KM, a ostvaren u iznosu od 97.232,66 KM. Razlozi značajno nižeg ostvarenja prihoda u planiranom iznosu su kašnjenje u preseljenju laboratorije u prostorije bivšeg Instituta za uljarice, nepopunjenost pozicija dr. specijaliste – mikrobiologa, dr. medicine i laboranta.

Potrebno je da Odjel, sukladno dodijeljenim nadležnostima, u planu proračuna planira prihode koji će u tekućoj godini biti realno ostvarivi, tj. naplativi.

6.5. Planiranje i izvršenje tekućeg proračuna

Tekući proračun Odjela za 2015. godinu odobren je u iznosu od 44.419.344,45 KM, a izvršen u iznosu od 42.625.653,26 KM, odnosno 95,96 % (Tablica broj 1 u Prilogu Izvješća).

Izvršenje sredstava tekućeg proračuna odnosi se na: plaće i naknade troškova zaposlenih u iznosu od 952.277,64 KM, doprinosi na teret poslodavca 34.782,61 KM, izdatke za materijal i usluge u iznosu od 4.731.825,17 KM i tekuće dotacije u iznosu od 36.906.767,84 KM.

Odjel je, sukladno Odluci o kategorizaciji radnih mjesta u tijelima javne uprave Brčko distrikta BiH, u predviđenom roku od šest mjeseci, donio novi Organizacijski plan. Uvidom u isti ustanovili smo da je za radno mjesto voditelja Službe za administraciju i statistiku Odjela, kategorija radnog mjesta - državni službenici i namještenici stručnjaci/eksperti, trećeg stupnja kategorije, sa zvanjem voditelja službe, Organizacijskim planom predviđen platni razred VIII3. Za tri pozicije voditelja službe u okviru Centra za socijalni rad i jednog voditelja Službe braniteljsko-invalidske skrbi i civilnih žrtava rata, predviđen je platni razred VIII1.

Člankom 1a Zakona o izmjenama i dopunama Zakona o plaćama zaposlenih u tijelima uprave Brčko distrikta BiH, je propisano da će se prilikom određivanja iznosa plaća i drugih naknada zaposlenima u tijelima uprave Brčko distrikta BiH poštivati princip ista plaća za isti ili sličan posao. Sukladno ovom principu zaposleni u tijelima uprave Brčko distrikta BiH koji obavljaju iste ili slične poslove primat će istu osnovnu plaću.

Revizijom smo ustanovili da je za radno mjesto voditelja službe, sa istim stupnjem kategorije i zvanjem radnog mjesta, istim uvjetima u pogledu stručne spreme i istim ostalim uvjetima za obavljanje propisanih poslova određeni različiti platni podrazred, što nije sukladno članku 1a Zakona o izmjenama i dopunama Zakona o plaćama zaposlenih u tijelima uprave Brčko distrikta BiH.

Potrebno je osigurati poštivanje principa ista plaća za isti ili sličan posao, kako je to regulirano Zakonom o izmjenama i dopunama Zakona o plaćama zaposlenih u tijelima uprave Brčko distrikta BiH.

Izdatci za Ugovorene usluge za 2015. godinu su planirani u iznosu od 4.854.650,00 KM, a ostvareni u iznosu od 4.266.128,80 KM, ili 87,88 % plana. U okviru ugovorenih usluga Odjel je po osnovi Ugovora o privremenim i povremenim poslovima broj: 05-000582/14 od 6. 6. 2014. godine, realizirao iznos od 22.413,15 KM. Predmet ugovora su poslovi diplomiranog pravnika koji spadaju u nadležnost Odjela. Poslovi će se obavljati u prostorijama Odjela u trajanju od osam sati dnevno, raspoređenih u petodnevni radni tjedan. Ugovor je zaključen na određeno vrijeme, a najdulje do dvije godine. Naknada za izvršeni posao ugovorena je u bruto iznosu od 2.490,35 KM. Ugovorom je predviđen i otkazni rok u trajanju od 30 dana (članak 6 Ugovora).

Organizacijskim planom Odjela kao jedna od organizacijskih jedinica predviđena je Služba za administraciju i statistiku Odjela. U okviru navedene Službe sistematizirano je ukupno 6 radnih mjesta, od kojih je za radno mjesto „Stručni savjetnik za pravne poslove” predviđeno dva izvršitelja.

Revizijom smo utvrdili da su u Detaljnom zahtjevu za plaće za 2015. godinu za dva stručna savjetnika za pravne poslove - platni razred VIII2 predviđene različite mjesečne bruto plaće i to jedna (popunjena) u iznosu od 2.436,60 KM i druga nepopunjena u iznosu 2.490,35 KM. Za ugovorene poslove naknada je isplaćena s pozicije ugovorenih usluga.

Iz navedenog proizlazi da se ugovoreni poslovi obavljaju kontinuirano, tijekom osmosatnog radnog vremena. Sam naziv ugovora podrazumijeva činjenicu da se radi o privremenim i povremenim poslovima.

Odredbama članka 46 (Rad na određeno vrijeme), stavka (4) Zakona o državnoj službi u tijelima javne uprave Brčko distrikta BiH, je regulirano da se iznimno, rad u tijelima javne uprave može zasnovati angažiranjem izvršitelja za privremene i povremene poslove u

slučaju ispunjavanja obveza iz nadležnosti tijela javne uprave za koje ne postoje predviđena radna mjesta. Revizijom smo utvrdili da je Odjel zaključio ugovor o privremenim i povremenim poslovima, iako je Organizacijskim planom i Proračunom za 2015. godinu predviđeno radno mjesto, što znači da nisu ispunjeni uvjeti predviđeni odredbama članka 46 stavka (4) Zakona o državnoj službi u tijelima javne uprave Brčko distrikta BiH.

Člankom 143 stavkom 1 navedenog Zakona je regulirano da se na sva pitanja koja nisu uređena Zakonom o državnoj službi primjenjuje Zakon o radu. Istim je propisano da se za obavljanje privremenih i povremenih poslova može zaključiti ugovor pod uvjetom da: su privremeni i povremeni poslovi utvrđeni u zakonu, podzakonskom aktu, kolektivnom ugovoru ili pravilniku o radu; da ne predstavljaju poslove za koje se zaključuje ugovor o radu na određeno ili neodređeno vrijeme s punim ili nepunim radnim vremenom; da ne traju dulje od 90 dana tijekom kalendarske godine. Također, regulirano je da ukoliko izvršitelj posla obavlja posao u radnim prostorijama poslodavca, ima pravo i na osiguranje u slučaju ozljede na radu – članak 23 Zakona o izmjenama i dopunama Zakona o radu Brčko distrikta BiH (Službeni glasnik Brčko distrikta BiH, broj 20/13).

S tim u svezi možemo konstatirati da Ugovor o povremenim i privremenim poslovima nije zaključen sukladno odredbama članka 46 Zakona o državnoj službi i članka 23 Zakona o izmjenama i dopunama Zakona o radu.

Radno mjesto je utvrđeno Organizacijskim planom, ispražnjeno je, u proračunu su odobrena sredstva za plaću i doprinose i ispunjeni su svi uvjeti za raspisivanje natječaja, kako je propisano člankom 34 Zakona o državnoj službi.

Potrebno je popunjavanje ispražnjenih pozicija vršiti sukladno odredbama Zakona o državnoj službi, u dijelu poštovanja načina popunjavanja ispražnjenih pozicija.

Potrebno je, ugovore o povremenim i privremenim poslovima zaključivati sukladno odredbama Zakona o radu, u dijelu poštivanja propisanih uvjeta i vremena na koje se isti zaključuju.

6.5.1. Tekuće dotacije

Teuće dotacije odobrene proračunom iznose 37.809.881,70 KM, izvršene su u iznosu od 36.906.767,82 KM odnosno 95,81 % od odobrenog proračuna, a odnose se na sljedeće:

1) Dotacije pojedincima u iznosu od	20.658.465,30
2) Dotacije neprofitnim organizacijama u iznosu od	235.000,00
3) Subvencije javnim poduzećima	16.013.302,54

Izdatci za dotacije pojedincima odobrene proračunom iznose 21.561.525,00 KM, a izvršene su u iznosu od 20.658.465,30KM ili 96,90 % od odobrenog. Ova sredstva su utrošena za isplate:

- po Zakonu o socijalnoj skrbi Brčko distrikta BiH u iznosu od 4.387.117,00 KM i to za beneficije za socijalnu skrb u iznosu od 2.048.620,00KM, tuđu njegu i pomoć u iznosu od 2.235.268,00

KM, za djecu i odrasle pod skrbništvom u iznosu od 78.046,00 KM i jednokratnu pomoć u iznosu od 25.183,00 KM,

- po Zakonu o dječjoj skrbi Brčko distrikta BiH u iznosu od 9.677.143,50 KM, a odnosi se na: dječji dodatak u iznosu od 9.425.943,50KM, materinski dodatak u iznosu od 123.735,00 i opremu za novorođenčad u iznosu od 127.465,00 KM,

- refundaciju bolovanja gospodarskim subjektima u iznosu od 1.398.461,89 KM, koji su u nadležnosti Pododjela za socijalnu skrb, sukladno Odluci gradonačelnika o uvjetima i načinu isplate naknada plaća zaposlenicima tijekom rodiljnog dopusta broj: 01-014-001435/05 od 21. 2. 2005. godine i Odluci o izmjeni i dopuni Odluke broj: 34-000890/13 od 15. 1. 2014. godine,

- jednokratne novčane pomoći umirovljenicima u iznosu od 1.281.901,50 KM, na temelju Odluke Vlade Brčko distrikta BiH o odobravanju Programa utroška sredstava broj: 34-000369/15 od 14. 10. 2015. godine,

- jednokratne novčane pomoći za rješavanje socijalnog statusa radnika koji su radili u ODP „Interplet“ Brčko u iznosu od 404.022,08 KM, na temelju skupštinske Odluke o kriterijima i procedurama za utvrđivanje prava i visine sredstava za dodjelu jednokratne pomoći broj: 01-02-522/15 od 30. 9. 2015. godine,

- jednoj osobi iznos od 3.360,00 KM, na temelju Odluke Vlade Brčko distrikta BiH o dopuni Odluke broj: 34-000802/12 od 30. 12. 2015. godine, po završenom postupku prava na žalbu i obnovljenom postupku sukladno zakonu, a po osnovi Odluke o kriterijima socijalnog zbrinjavanja radnika poduzeća i institucija, koji su ne svojom krivnjom 1992. godine ostali bez posla,

- jednokratne novčane pomoći za rješavanje socijalnog statusa radnika koji su radili u ODP „Izbor“ Brčko u iznosu od 849.995,00 KM, na temelju skupštinske Odluke o kriterijima i procedurama za utvrđivanje prava i visine sredstava za dodjelu jednokratne pomoći broj: 01-02-541/15 od 14. 10. 2015. godine,

- za dotacije pojedincima koji su u nadležnosti Službe za braniteljsko-invalidsku skrb u iznosu od 2.874.973,83 KM i to za: nabava udžbenika djeci poginulih i invalida u iznosu od 120.350,00 KM, jednokratna pomoć razvojačenim braniteljima u iznosu od 298.500,00 KM, pomoć u slučaju smrti razvojačenog branitelja i članova njegove obitelji u iznosu od 180.086,00 KM, izdatci za vojne invalide, ranjene branitelje i obitelji u iznosu od 87.448,00 KM, jednokratna pomoć u iznosu od 64.902,18 KM, stambeno zbrinjavanje boračkih / braniteljskih kategorija u iznosu od 1.183.672,77 KM i beneficije za civilne žrtve rata u iznosu od 940.014,88 KM.

U okviru dotacija koje su u nadležnosti Centra za socijalni rad, evidencija korisnika socijalne pomoći se vodi na način da su formirane odvojene baze podataka po pojedinim vrstama prava iz socijalne skrbi, predviđenih odredbama Zakona o socijalnoj skrbi Brčko distrikta BiH.

Revizijom smo utvrdili da evidencija ne osigurava sveobuhvatnu informaciju po korisniku o svim vrstama prava koje on u određenom razdoblju koristi ili je koristio. U cilju efikasnijeg načina rada, sistemskog unapređenja poslovanja kao i efikasnijeg i preciznijeg planiranja i upravljanja proračunom za socijalne potrebe, neophodno je osigurati integralnu bazu podataka koja omogućava uvid u sva odobrena prava socijalne skrbi, po korisniku.

Potrebno je, da informacijski sustav omogući sveobuhvatan uvid u sve vrste prava, po pojedinom korisniku socijalne skrbi, koje proizlaze iz Zakona o socijalnoj skrbi Brčko distrikta BiH.

Izdatci za dotacije neprofitnim organizacijama - Navedene dotacije odobrene proračunom iznose 235.000,00 KM i izvršene su istom iznosu, a odnose se na sljedeće isplate:

- Po Odluci Vlade Brčko distrikta BiH o odobravanju programa utroška sredstava broj: 34-00185/15 od 17. 6. 2015. godine - dotacija za topličko-klimatsko liječenje udrugama PIO RS i PIO/MIO Federacije BiH u iznosu od po 50.000,00 KM.

- po Odluci Vlade Brčko distrikta BiH o odobravanju programa utroška sredstava i kriterijima za dodjelu dotacija Udruženju anesteziologa i reanimatologa RS za organiziranje stručnog simpozija Udruženja, s međunarodnim sudjelovanjem u Brčko distriktu BiH, broj: 13-001558/15 od 15. 6. 2015. godine u iznosu od 15.000,00 KM.

- po Odluci Vlade Brčko distrikta BiH o odobravanju Programa utroška sredstava za dodjelu dotacija Boračkoj organizaciji RS i Udruženju veterana boračke organizacije VRS Brčko, broj: 13-001511/15 od 12. 8. 2015. godine, namijenjenog za spomen-sobu u iznosu od 50.000,00 KM,

- po Odluci Vlade Brčko distrikta BiH, o odobravanju Programa utroška sredstava za dodjelu dotacija Udruženju obitelji poginulih boraca Vojske RS, za prikupljanje arhivske građe u razdoblju od 1992. do 2014. godine, broj: 13-002068/15 od 16. 10. 2015. godine, u iznosu od 70.000,00 KM.

Izdatci za subvencije javnim poduzećima realizirani su u iznosu od 16.013.302,54 KM. U okviru ovih izdataka isplaćeno je:

1. Fondu zdravstvenog osiguranja Brčko distrikta BiH iznos od 8.800.000,00 KM i to:

- po Odluci Vlade Brčko distrikta BiH o odobravanju utroška sredstava broj: 13-000630/15 od 12. 3. 2015. godine u iznosu od 1.227.764,50 i Odluci broj: 13-001109/15 od 28. 5. 2015. godine u iznosu od 6.772.235,50 KM, što ukupno iznosi 8.000.000,00 KM,

- po Odluci Vlade Brčko distrikta BiH o odobravanju utroška sredstava broj: 13-001115/15 od 28.05.2015. godine, u iznosu od 200.000, 00 KM, za nabavu accu check trakica osiguranicima Brčko distrikta BiH koji boluju od dijabetesa,

- po Odluci Vlade Brčko distrikta BiH o odobravanju utroška sredstava broj: 13-001114/15 od 28.05.2015. godine, u iznosu od 600.000, 00 KM, za troškove

transplantacije organa osiguranika FZO Brčko distrikta BiH definiranih člankom 81 stavkom (2) Zakona o zdravstvenom osiguranju Brčko distrikta BiH.

2. Javnoj zdravstvenoj ustanovi Brčko distrikta BiH iznos od 6.513.356,70 KM i to:

- po Odluci Vlade Brčko distrikta o odobravanju utroška sredstava broj: 13-001108/15 od 28. 5. 2015. godine, namijenjena za financiranje ostvarivanja zdravstvene zaštite sukladno člancima 7 i 8 Zakona o zdravstvenoj zaštiti, iznos od 6.500.000,00 KM,

- po Odluci Vlade Brčko distrikta o odobravanju utroška sredstava broj: 13-002600/15 od 16. 10. 2015. godine, iznos od 11.220,00 KM namijenjen za realizaciju Akcijskog plana BiH za rješavanje problema Roma,

- po Odluci Vlade Brčko distrikta o odobravanju utroška sredstava broj: 13-002601/15 od 16. 10. 2015. godine, iznos od 2.136,70,00 KM, namijenjen Centru za mentalno zdravlje za potrebe djece s posebnim potrebama,

3. JKP „Komunalno Brčko“ d. o. o, za subvencioniranje dijela troškova za utrošenu električnu energiju za posebne kategorije stanovništava s prebivalištem u Brčko distriktu BiH, a na temelju Odluke Vlade Brčko distrikta o odobravanju utroška sredstava broj: 34-000451/15 od 10. 12. 2015. godine iznos od 699.945,84 KM.

6.6. Planiranje i izvršenje kapitalnog proračuna

Sredstva odobrena kapitalnim proračunom za razdoblje 2013. - 2015. godina iznose 8.473.824,28 KM, a izvršenje istih iznosi 1.279.779,64 KM ili 15,10 % odobrenog proračuna. Od navedenog iznosa u 2015. godini je izvršen iznos od 514.257,45 KM, koji se odnosi na nabavu medicinske opreme – digitalni mamografski sustav (projekt iz 2014. godine) u iznosu od 349.000,00 KM, nabavu centralne jedinice i monitora u iznosu od 87.918, KM (kapitalni projekt iz 2013. godine) i ostalo.

Proračunom za 2015. godinu planirano je 6 kapitalnih projekata za nabavu medicinske opreme, ukupne vrijednosti 2.795.991,50 KM, od kojih ni jedan nije izvršen (Tablica broj 2 u Prilogu Izvješća).

Ukupno neutrošena sredstva iznose 7.194.044,64 KM, od čega se na 2013. godinu odnosi 2.271.486,60 KM, koji je operativan samo do konca revidirane godine. U 2013. godini je planiran projekat „Rekonstrukcija Odjela anestezije, intenzivne njege i operacijskog bloka“ u iznosu od 1.176.000,00 KM, a realizirano je svega 14.625,00 KM. Iste godine je planiran i projekt „Nabava opreme za anesteziju i reanimaciju“ u iznosu od 80.000,00 KM, koji, do konca 2015. godine nije ni započet.

Člankom 10 stavkom (2) Zakona o izvršenju proračuna Brčko distrikta BiH za 2015. godinu je propisano da su proračunski korisnici odgovorni, između ostalog i za efikasnost u raspolaganju sredstvima koja su im odobrena Proračunom. Postotak realizacije od 15,10 % trogodišnjeg kapitalnog proračuna ukazuje na neefikasno korištenje i nepotrebno zadržavanje proračunskih sredstava za kapitalne projekte.

Potrebno je da Odjel osigura neophodne uvjete za realizaciju kapitalnih projekata kako bi se osigurala pretpostavke za efikasno upravljanje kapitalnim

proračunom, sukladno Zakonu o izvršenju proračuna Brčko distrikta BiH za 2015. godinu.

6.7. Popis sredstava

Povjerenstvo za popis osnovnih sredstava, sitnog inventara, obveza, porto-blagajne, zaliha lijekova i ostalih materijala, imenovano Odlukom voditelja Odjela broj: 05-001060/15 od 12. 11. 2015. godine je, sukladno Uputi o radu popisnih povjerenstava o obavljanju popisa sredstava, tražbina i obveza (Službeni glasnik Brčko distrikta BiH, broj: 30/08), izvršilo popis osnovnih sredstava, sitnog inventara, obveza, porto-blagajne, zaliha lijekova i ostalih materijala. Nakon izvršenog popisa Povjerenstva je, 5. 2. 2015. godine, sastavilo Izvješće o izvršenom popisu, na dan 31. 12. 2015. godine.

U Izvješću je konstatirano da ukupna vrijednost stalnih sredstava po stvarnom i knjigovodstvenom stanju iznosi **37.228.685,19 KM**, ali istim nisu elaborirana sredstva koja se nalaze kod drugih fizičkih ili pravnih osoba, po bilo kojoj osnovi, odnosno koja su dana na korištenje Javnoj zdravstvenoj ustanovi “Zdravstveni centar Brčko“, kako je to propisano člankom 2 stavkom (1) d) Upute o radu popisnih povjerenstava o obavljanju popisa sredstava, tražbina i obveza.

Potrebno je da Izvješće o izvršenom popisu imovine obuhvati imovinu koja se nalazi kod drugih fizičkih ili pravnih osoba po bilo kojoj osnovi.

Odredbama članka 7 Upute o radu popisnih povjerenstava o obavljanju popisa sredstava, tražbina i obveza, propisano je da popis za prethodnu godinu treba okončati do 15. 1. iduće godine.

Revizijom smo utvrdili da je usklađivanje knjigovodstvenog sa stvarnim stanjem imovine s Direkcijom za financije izvršeno 12. 2. 2016. godine, što nije sukladno odredbama navedene Upute.

Potrebno je popis imovine, tražbina i obveza vršiti na način i u rokovima propisanim Uputom o radu popisnih povjerenstava i obavljanju popisa sredstava, tražbina i obveza.

Odlukom o osnivanju Javne zdravstvene ustanove “Zdravstveni centar Brčko” propisano je da se imovina zatečena na korištenju u institucijama koje su u sastavu JZU, osim nekretnina i pokretne vrijednosti iznad 100.000,00 KM prenesu u imovinu (aktivu bilance stanja) JZU. Odlukom gradonačelnika broj: 05-000403/13 od 6. 3. 2013. godine imenovana je radna skupina sa zadatkom da sastavi tekst akta o rješavanju vlasničkih prava (diobena bilanca) imovine koja je neophodna za funkcioniranje JZU. Revizijom smo utvrdili da Odjel nije proveo aktivnosti propisane Odlukom.

Potrebno je, radi nesmetanog funkcioniranja JZU “Zdravstveni centar Brčko” okončati aktivnosti na reguliranju vlasničkih i drugih prava nad imovinom koja joj je dana na korištenje, radi efikasnije zaštite imovine, te uspostavljanja uvjeta za fer prezentaciju financijskih izvješća Brčko distrikta BiH i JZU “Zdravstveni centar Brčko”.

7. KOMENTAR

Odjelu je uručen Nacrt izvješća o reviziji financijskog poslovanja za 2015. godinu broj: 01-02-03-13-270/16 na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Odjel se očitovao dopisom broj: 13-003428/15 od 15. 6. 2016. godine. U navedenom očitovanju nisu navedene primjedbe na nalaze sadržane u Nacrtu izvješća, te je ovo Izvješće konačno.

Tim za reviziju

Envera Imamović, dipl. oec.

Amra Mehić, dipl. oec.

PRILOZI

Struktura planiranih i izvršenih tekućih izdataka Odjela za 2015. godinu, po pozicijama prikazana je u sljedećoj tablici:

Tablica broj 1

R. br.	Ekon. kod	Naziv ekonomskog koda	Izvršenje Proračuna 31.12.2014. g.	Plan za 31.12.2015. g.	Izvršenje tekućeg proračuna 31.12.2015. g.	Postotak izvršenja %
1	2	3	4	5	6	7(6/5)x100
1	611100	Bruto plaće i naknade	976.304,57	997.712,29	949.705,64	95,19
2	611200	Naknade troškova zaposlenih	12.947,76	39.289,00	2572,00	6,55
3	611000	Plaće i naknade troškova zaposlenih (1+2)	989.252,33	1.037.001,29	952.277,64	91,83
4	612000	Doprinos na teret poslodavca	34.995,34	44.531,46	34.782,61	78,11
5	613100	Putni troškovi	6.249,66	29.470,00	3.541,89	12,02
6	613200	Izdatci za energiju	27.637,47	46.500,00	34.142,80	73,43
7	613300	Izdatci za komunalne usluge	108.012,85	118.530,00	105.150,56	88,71
8	613400	Nabavka materijala	177.161,81	378.150,00	304.108,92	80,42
9	613500	Izdatci za usluge prijevoza i goriva	37.055,54	27.200,00	11.401,11	41,92
10	613700	Izdatci za tekuće održavanje	39.924,23	66.550,00	3.472,72	5,22
11	613800	Izdatci osigur., bank. usluge i usl. platnog prometa	2.826,58	6.880,00	3.878,37	56,37
12	613900	Ugovorene usluge	4.120.112,79	4.854.650,00	4.266.128,80	87,88
13	613000	Izdatci za materijal i usluge (5+6+...+12)	4.518.980,93	5.527.930,00	4.731.825,17	85,60
14	614200	Dotacije pojedincima	20.839.801,62	21.561.525,00	20.658.470,30	95,81
15	614300	Dotacije neprofitnim organizacijama	225.000,00	235.000,00	235.000,00	100,00
16	614400	Subvencije javnim poduzećima	16.300.000,00	16.013.356,70	16.013.302,54	100,00
17	614000	Tekuće dotacije	37.364.801,62	37.809.881,70	36.906.772,84	97,61
18		Ukupan tekući proračun (3+4+13+17)	42.908.030,22	44.419.344,45	42.625.658,26	95,96

Proračun kapitalnih potreba

Tablica broj 2

God.	Planirani kapitalni proračun po godinama	Izvršenje kapitalnog proračuna do 1. 1. 2015. g.	Izvršenje kapit. proračuna u 2015. god.	Izvršeno na dan 31.12.2015. godine (4+5)	Neurošena planirana sredstva na dan 31.12.2015. (3-4-5)	% izvršenja na dan 31.12.2015 (6/3 x 100)	% izvršenja po god. na dan 31.12. tek god. izv.tek/pl. tek.
1	3	4	5	6	7	8	9
2013.	3.029.726,59	651.682,13	106.557,86	758.239,99	2.271.486,60	25,03	21,51
2014.	2.648.106,19	113.840,06	407.699,59	521.539,65	2.126.566,54	19,69	4,30
2015.	2.795.991,50	0,00	0,00	0,00	2.795.991,50	0,00	0,00
Ukupno	8.473.824,28	765.522,19	514.257,45	1.279.779,64	7.194.044,64	15,10	-

Prihodi

Tablica broj 3

R. br.	Ekonomski kod	VRSTA PRIHODA	2015.		% ostvarenja
			plan prihoda	ostvarenje I-XII	
1.	721200	Ostali prihodi od financijske i nematerijalne imovine	3.759,81	3.759,81	100,00
2.	722100	Administrativne pristojbe	1.700,00	705,00	41,47
3.	722600	Prihodi od pružanja javnih usluga	200.400,00	99.188,26	49,50
4.	722700	Ostale neplanirane uplate	2.136,70	2.630,95	123,13
5.	732100	Primljene dotacije od zajed. instit. BiH	11.220,00	11.220,00	100,00
6.	700000	Prihodi	219.216,51	117.504,02	53,60